

Վարչական տույժ նշանակելու մասին

«14» ապրիլի 2023թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, ուսումնասիրելով Իրանի Իսլամական Հանրապետության քաղաքացի Մահդի Նասիրփուրդիզադի (անձնագիր՝ R55500939, հասցե՝ ԻԻՀ, ք.Շաբեստար) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2022 թվականի հունիսի 02-ին ՀՀ ՊԵԿ ՀՄՎ Մեղրիի մաքսային կետ-բաժնի աշխատակիցները Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժամանած, ԻԻՀ քաղաքացի Մահդի Նասիրփուրդիզադի կողմից շահագործվող «MAN» մակնիշի, 16E351-10 պետհամարանիշի բեռնատարը, ինչի արդյունքում, նշված բեռնատարի խցիկից հայտնաբերվել են ապրանքների հայտնաբերումը դժվարացնող եղանակով մաքսային հսկողությունից թաքցված տարբեր ապրանքներ, մասնավորապես՝ բնական թելով /բուրդ, վուշ/ նախշազարդ անհայտ ծագման 14 գորգ, խոտ չորացնող դեղամիջոց 23 հատ, բուսական յուղով պահածոյացված ձուկ 60 հատ, արհեստական մանրաթելով ծակոտկեն կտոր 2 փաթեթան:

Փաստի առթիվ վարորդ ԻԻՀ քաղաքացի Մահդի Նասիրփուրդիզադի նկատմամբ ՀՀ մաքսային օրենսգրքի 201-րդ հոդվածի հատկանիշներով հարուցվել է մաքսային կանոնների խախտման վերաբերյալ վարույթ, իսկ իրավախախտման անմիջական օբյեկտ համարվող վերոնշյալ ապրանքներն ի պահ են հանձնվել Մեղրիի մաքսային կետ-բաժնի մաքսային հսկողության տարածքում:

Հարուցված վարչական վարույթի շրջանակներում 14.06.2022 թվականին վերոնշյալ ապրանքների շուկայական արժեքները պարզելու նպատակով նշանակվել է «Ապրանքագիտական փորձաքննություն», որի կատարումը, հիմք ընդունելով ՀՀ ՊԵԿ-ի և ՀՀ ԱՆ «Փորձագիտական կենտրոն» ՊՈԱԿ-ի միջև առկա պայմանագիրը, հանձնարարվել է «Փորձագիտական կենտրոն» ՊՈԱԿ-ին:

Հաշվի առնելով այն հանգամանքը, որ օրենքով նախատեսված վարչական վարույթն իրականացնելու երկամսյա ժամկետում փորձագետի կողմից եզրակացություն չի տրամադրվել և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 47-րդ հոդվածի 1-ին մասի բ) ենթակետով և 4-րդ մասով՝ 02.08 2022 թվականին ԻԻՀ քաղաքացի

Մահդի Նասիրփուրդիզադի նկատմամբ ՀՀ մաքսային օրենսգրքի 201-րդ հոդվածի հատկանիշներով հարուցված մաքսային կանոնների խախտման վերաբերյալ վարույթը երկարաձգվել է:

ՀՀ ԱՆ «Փորձագիտական կենտրոն» ՊՈԱԿ-ի կողմից 14.11.2022 թվականին տրված թիվ 10492210 եզրակացության համաձայն՝ 02.06.2022 թվականի դրությամբ՝ 1 հատի «Bentazone-Sodium» անվանումով «SL 48%» տոկոսային պարունակությամբ թունաքիմիկատի շուկայական արժեքը ՀՀ-ում կազմում է 3500 ՀՀ դրամ, 1 հատ «Galaxy» ապրանքանիշի, «Tuna Fish» տեսակի պահածոյացված ձկան շուկայական արժեքը ՀՀ-ում կազմում է 1100 ՀՀ դրամ, 1 հատ /չափը՝ 13.5 մ²/ սև գույնի թավշանման երեսպատվածքով փաթաթանի շուկայական արժեքը ՀՀ-ում կազմում է 14000 ՀՀ դրամ, 1 հատ /չափը՝ 13.5 մ²/ մոխրագույն թավշանման երեսպատվածքով փաթաթանի շուկայական արժեքը ՀՀ-ում կազմում է 8000 ՀՀ դրամ, իսկ «Փորձագիտական կենտրոն» ՊՈԱԿ-ում հնէաբանական և մշակութային ոլորտի մասնագետներ չունենալու պատճառով 14 հատ գորգերի շուկայական արժեքները չեն տրամադրվել:

Վարչական վարույթի շրջանակներում 14 հատ գորգերի մանրաթելերը, գործվածքները, շուկայական, մշակութային արժեքները պարզելու նպատակով 07.11.2022 թվականին նշանակվել է «Ապրանքագիտական, մանրաթելային և մշակութաբանական համալիր փորձաքննություն», որի կատարումը հիմք ընդունելով ՀՀ ՊԵԿ-ի և ՀՀ ԳԱԱ «Փորձաքննությունների ազգային բյուրո» ՊՈԱԿ-ի միջև առկա պայմանագիրը, հանձնարարվել է «Փորձաքննությունների ազգային բյուրո» ՊՈԱԿ-ին:

ՀՀ ԳԱԱ «Փորձաքննությունների ազգային բյուրո» ՊՈԱԿ-ի կողմից տրված թիվ 22-0201Պ եզրակացության համաձայն՝ 02.06.2022 թվականի դրությամբ՝ մեկ հատ 300×103 սմ չափով բնական բրդյա և բամբակյա տեսակի թելերից գործված կարպետի միջին շուկայական արժեքը կազմում է 200 000 ՀՀ դրամ, մեկ հատ 161×104 սմ չափով բնական բրդյա և բամբակյա տեսակի թելերից գործված կարպետի միջին շուկայական արժեքը կազմում է 100 000 ՀՀ դրամ, մեկ հատ 300×114 սմ չափով բնական բրդյա և բամբակյա տեսակի թելերից գործված կարպետի միջին շուկայական արժեքը կազմում է 200 000 ՀՀ դրամ, մեկ հատ 171×105 սմ չափով բնական բրդյա և բամբակյա տեսակի թելերից գործված կարպետի միջին շուկայական արժեքը կազմում է 110 000 ՀՀ դրամ, մեկ հատ 142×100 սմ չափով բնական բրդյա և բամբակյա տեսակի թելերից գործված կարպետի միջին շուկայական արժեքը կազմում է 90 000 ՀՀ դրամ, մեկ հատ 167×108 սմ չափով բնական բրդյա և բամբակյա տեսակի թելերից գործված կարպետի միջին շուկայական

արժեքը կազմում է 110 000 ՀՀ դրամ, մեկ հատ 311×105 սմ չափով բնական բրդյա և բամբակյա տեսակի թելերից գործված կարպետի միջին շուկայական արժեքը կազմում է 200 000 ՀՀ դրամ, մեկ հատ 156×99 սմ չափով բնական բրդյա և բամբակյա տեսակի թելերից գործված կարպետի միջին շուկայական արժեքը կազմում է 100 000 ՀՀ դրամ, մեկ հատ 165×103 սմ չափով բնական բրդյա և բամբակյա տեսակի թելերից գործված կարպետի միջին շուկայական արժեքը կազմում է 110 000 ՀՀ դրամ, մեկ հատ 158×104 սմ չափով բնական բրդյա և բամբակյա տեսակի թելերից գործված կարպետի միջին շուկայական արժեքը կազմում է 100 000 ՀՀ դրամ, մեկ հատ 168×108 սմ չափով բնական բրդյա և բամբակյա տեսակի թելերից գործված կարպետի միջին շուկայական արժեքը կազմում է 110 000 ՀՀ դրամ, մեկ հատ 221×53 սմ չափով բնական բրդյա և բամբակյա տեսակի թելերից գործված կարպետի միջին շուկայական արժեքը կազմում է 100 000 ՀՀ դրամ, մեկ հատ 163×103 սմ չափով բնական բրդյա և բամբակյա տեսակի թելերից գործված կարպետի միջին շուկայական արժեքը կազմում է 100 000 ՀՀ դրամ, մեկ հատ 319×112 սմ չափով բնական բրդյա և բամբակյա տեսակի թելերից գործված կարպետի միջին շուկայական արժեքը կազմում է 230 000 ՀՀ դրամ: Վերոնշյալ բոլոր կարպետները սերիական արտադրության են և հանդիսանում են մշակութային նշանակության առարկա:

«Մշակութային արժեքների արտահանման և ներմուծման մասին» ՀՀ օրենքի 3-րդ հոդվածի 3-րդ պարբերության համաձայն՝ «Սույն օրենքում գործածվում են հետևյալ հիմնական հասկացությունները՝ **մշակութային նշանակության առարկաներ**՝ մարդկային հասարակության կենսագործունեության արգասիք համարվող առարկաներ, ներառյալ՝ համարանիշային (սերիական) արտադրության կամ զանգվածային արտադրության առարկաներ, ինչպես նաև ստեղծագործություններ, որոնք, անկախ ստեղծման ժամանակից, **մշակութային արժեք չեն ներկայացնում**»: Հետևաբար ՀՀ Կառավարության 14.01.2021 թվականի թիվ 35-Ն որոշմամբ սահմանված ռազմավարական տեսակետից կարևոր հումքային ապրանքների և մշակութային արժեքների ցանկում ներառված չեն:

Հիմք ընդունելով փորձագիտական եզրակացությունները՝ վարչական վարույթի շրջանակներում 23.11.2022 թվականի թիվ 354 և 17.03.2023 թվականի թիվ 75 մտից համարի զեկուցագրերով հարցումներ են կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը՝ ճշտելու վերոնշյալ ապրանքների մաքսային արժեքները, վճարման ենթակա մաքսային վճարների չափերը, ոչ սակագնային կարգավորման միջոցների կիրառելիությունը:

ՀՀ ՊԵԿ Հարավային մաքսատուն-վարչության 21.03.2023 թվականի թիվ 88 մտից համարի տեղեկանքի համաձայն՝ 2022թ հունիսի 06-ի դրությամբ 23 հատի «Bentazone-Sodium»

անվանումով «SL 48%» տոկոսային պարունակությամբ թունաքիմիկատի մաքսային արժեքը /իրավաբանական անձի դեպքում/ կկազմեր **63940 ՀՀ դրամ**, 60 հատ «Galaxy» ապրանքանիշի, «Tuna Fish» տեսակի պահածոյացված ձկան մաքսային արժեքը կկազմեր **48900 ՀՀ դրամ**, 1 հատ սև գույնի թավշանման երեսպատվածքով փաթաթանի մաքսային արժեքը կկազմեր **10605 ՀՀ դրամ**, 1 հատ մոխրագույնի թավշանման երեսպատվածքով փաթաթանի մաքսային արժեքը կկազմեր **6060 ՀՀ դրամ**: Նույն տեղեկանքով հայտնել են, որ «Bentazone-Sodium» անվանումով «SL 48%» տոկոսային պարունակությամբ թունաքիմիկատի նկատմամբ ԵՏՀ Կոլեգիայի 21.04.2015 թվականի թիվ 30 որոշմամբ կիրառվում է ոչ սակագնային կարգավորման միջոցներ:

ՀՀ ՊԵԿ Հարավային մաքսատուն-վարչության 13.04.2023 թվականի թիվ 214 մտից համարի տեղեկանքի համաձայն՝ 2022թ հունիսի 06-ի դրությամբ 14 հատ, տարբեր չափերի, ընդհանուր 29.6 քառակուսի մետր, «Սումախ» տեսակի, ձեռքի աշխատանք հանդիսացող կարպետերի ընդհանուր մաքսային արժեքը կկազմեր **1 550 000 ՀՀ դրամ**: Նույն տեղեկանքով հայտնել են, որ վերոնշյալ ապրանքների նկատմամբ ոչ սակագնային կարգավորման միջոցներ կիրառելի չեն:

ԵՏՄ մաքսային օրենսգրքի 2-րդ հոդվածի 1-ին մասի 25-րդ ենթակետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է

պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ «Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով»:

ԻԻՀ քաղաքացի Մահդի Նասիրփուրդիզաջին Իրանի Իսլամական Հանրապետություն, քաղաք Շաբեստար հասցեին այս գործի վարույթի և քննության մասին թիվ /23.1/40304-2022 գրությամբ ուղարկվել է ծանուցագիր, որը փոստային ծառայության կողմից հետ է վերադարձվել «այլ» նշագրմամբ:

ԻԻՀ քաղաքացի Մահդի Նասիրփուրդիզաջին Իրանի Իսլամական Հանրապետություն, քաղաք Շաբեստար հասցեին թիվ /23.1/55195-2022 գրությամբ ուղարկված երկարաձգման որոշման և թիվ /23.01/16122-2023 գրությամբ ուղարկված ծանուցագրի վերաբերյալ տեղեկատվություն առկա չէ:

Վարչական վարույթի շրջանակներում հարցում է կատարվել ՀՀ Ոստիկանության անձնագրային և վիզաների վարչություն՝ նպատակ ունենալով պարզել քաղաքացի Մահդի Նասիրփուրդիզաջի հաշվառման վայրը:

Ի պատասխան հարցման՝ ՀՀ Ոստիկանության անձնագրային և վիզաների վարչությունը տրամադրել է տեղեկատվություն առ այն, որ քաղաքացի Մահդի Նասիրփուրդիզաջի հաշվառման վայրի վերաբերյալ տեղեկատվություն առկա չէ:

Քաղաքացի Մահդի Նասիրփուրդիզաջի սահմանահատումների պատմությունը ստանալու նպատակով հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն համաձայն որի քաղաքացի Մահդի Նասիրփուրդիզաջին 11.04.2023 թվականին ժամը 21:02-ին Ագարակ պետական սահմանի անցման կետով անցել է ԻԻՀ:

ՀՀ մաքսային օրենսգրքի 219-րդ հոդվածի համաձայն՝ «Մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի

մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ **եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս**:

Այսպիսով, նյութերով պարզվել է, որ 2022 թվականի հունիսի 02-ին ԻԻՀ քաղաքացի Մահդի Նասիրփուրդիզաջին, մաքսային հսկողությունից թաքցնելով, իր կողմից շահագործվող «MAN» մակնիշի, 16E351-10 պետհամարանիշի բեռնատարով, ՀՀ մաքսային սահմանով տեղափոխել է ընդհանուր՝ 1 679 510 ՀՀ դրամ մաքսային արժեքով ապրանքներ, այսինքն՝ քաղաքացի Մահդի Նասիրփուրդիզաջի կողմից թույլ է տրվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, Հարավային մաքսատուն-վարչության թիվ 88 և 214 մտից համարների տեղեկանքներով: Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ, 206-րդ, 219-րդ, 221-րդ և 224-րդ հոդվածներով,

Ո Ր Ո Շ Ե Ց Ի

1. Իրանի Իսլամական Հանրապետության քաղաքացի Մահդի Նասիրփուրդիզաջին ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային սահմանով տեղափոխված վերոնշյալ ապրանքների մաքսային արժեքի չափով՝ 1 679 510 ՀՀ դրամի չափով:

2. Որոշման մասին հայտնել քաղաքացի Մահդի Նասիրփուրդիզաջին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ որոշումը կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

Սույն որոշմամբ նշանակված տուգանքի վճարման հաշվեհամարն է. **900005024055՝ 1 679 510 ՀՀ դրամ, նշել**

30 կողք:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՄԾ ԳՆԴԱՊԵՏ

ԱՐՏԱՇԵՍ ՂԱՄԲԱՐՅԱՆ